

Filipae

Nægkiariien sə rani mə nəfe i nəkukuə

Ia nuk i 60, Pol ramarə ia kalapus fwe Rom nənə mirai nəkukuə me i Filipae, Kolosi, Filimon, mine Efesas. Nəkur Filipae hərəhi pen Epafrotaetas ruvehi nari riti mevən muvei pen m Pol. Nəpın Epafrotaetas ramarə fwe Rom, in ramemhə pık. Nənə nakalasia me fwe Filipae rerınraha rəpou tukwe. Nəpın in rəsanın, Pol rərhi pen in ruvehi nəkukuə i mevən fwe Filipae. Pol rokeikei pık nakalasia me fwe Filipae. In raməgkiari mınraha rəmwhen mə in tata səvənraha. Pol rini tanak mınraha ti nokeikeiien mine nasituien səvənraha. Nəri auər a Pol ramarə fwe ia kalapus, mətə səvənhi nəkukuə raməgkiari pık ia nagienien. Nəpın rıpık nəkukuə i raməgkiari ia “nagienien” mine “nəgnəginiien.” Pol rini irapw nətəien səvənhi ia nıkaren səvəi nımıruien səvəi ipwet mine samarə irə ia təkure tıprənə i. In rini mə, “Trini mınuə iakimıru, nımıruien səiou in səvəi Kristo. Nənə trini mınuə iakemhə, ramasan pık anan mwi” (1:21). Rəmwhen ia nəkukuə me pam səvənhi, ia nəkukuə i Pol rauvehi utə nətərigien səvəi nakalasia me, maməvəhag mınraha mə irəha tuhaməkeikei mharə pwəh nətərigien səvənraha kuatia. Irəha tuhaməkeikei mharə mamho nəkwei Kumwesən.

Nægkiariien sə rakupwən

¹ Iou Pol mine Timoti, kimrau iarmama mi sāvai Iesu Kristo iarauo tukwini nari min.

Nəkukuə i rauvehe tukumiaha pam narmama me sāvai Iesu Kristo sāməme hiamarə ia taon nəha Filipae, mauvehe mwi ti nəmə asori me nəha kamhətui amasan tukumiaha mine tikon me.

² Pwəh Kumwesən Tata səkītaha mine Iesu Kristo Iərimənu səkītaha trouəriari pehe namasanien mine nəmərinuien m kimiaha.

Pol raməfwaki m Kumwesən ti nəkur Filipae

³ Nəp̄in me, nəp̄in rerik ramrhi kimiaha, iakani tanak m Kumwesən tukumiaha.

⁴ Nənə nəp̄in me pam, nəp̄in iakaməfwaki tukumiaha, iakaməfwaki rerik raməgien

⁵ ti nəri nə mə fwe iakinərer vi a mani irapw nəgkiariien amasan muvehe meste pehe ipwet mine saməuvehi pəri rəgitaha me tukwe.

⁶ Nənə iakukurən amasan mə Kumwesən sə rino stat ia noien amasan ia kimiaha, in traməkeikei mamə noien nəha mamevən meste tro sampam irə ia nəp̄in sə Iesu Kristo truvehe irə.

⁷ Nəp̄in me rerik ramrhi kimiaha, nənə ratukwatukw a mə iakamo iam̄inhi irə, ti nəri nə mə kimiaha pam hiamasitu ia nirak ia wok i Kumwesən r̄iməuvei pehe miou ia namasanien sāvənhi mə tako. Nənə nəp̄in iakamarə ia kalapus, mine nəp̄in iakamərer irapw ia nəmri narmama, maməvisau mə nəgkiariien amasan ro n̄ipər̄hienien i, kimiaha hiamasitu ia nirak ia wok i.

⁸ Kumwesən rukurən mə nəgkiariien i iakani ro nɪpərhiēnien. Iakokeikei mə takətoni kimiaha ti nəri nə mə iakokeikei pɪk kimiaha rəmwhen a ia Iesu Kristo rokeikei kimiaha.

⁹ Nənə in i nəfwakiien səiou mə nokeikeien səkimiaha truvehē masori mwi irəhar nukurənien mɪnē nəkiri amasanien nari tuharuvehē mhara-sori ia kimiaha

¹⁰ mə kimiaha hiəukurən nətə sasiēn nəfē noien ramasan pɪk mə tiho. Nənə ia noien nəha kimiaha tihəmher, tukəpwəh nətoniēn noien ərəha riti ia kimiaha ia nəpɪn sə Kristo truvehē irə,

¹¹ kimiaha tihəukuər ia noien atukwatukw me səməme Iesu Kristo rino həukuə ia kimiaha, nərmama tuhətoni mhəuvehi utə nəghi Kumwesən mhəgnəgini in tukwe.

Pol in fwe ia kalapus

¹² Piak me, iakokeikei mə tihəukurən mə iakamarə ia kalapus, mətə noien i rinasitu pɪk mo nəgkiariien amasan səvəi Kristo ruviris mwi mamevən.

¹³ Ro pen naruagən me səməme kamhətui ti nimwə səvəi Kig Sisa mɪnē nərmama həpɪk mwi həuvəukurən raka mə iakamarə ia kalapus ti nəri nə mə iou iərmama riti sə iakamo tukwini nari m Kristo.

¹⁴ Narəien səiou ia kalapus ramasitu ia piəvtaha me həpɪk, mamō irəha hahatətə əknekɪn mwi ia Iərimənu səkitaha, nənə mamō nətərigiēn səvənraha riskai ti nini irapwien nəgkiariien səvəi Kumwesən mhəpwəh nehəkiriēn.

1:8: Rom 1:9, 2Kor 1:23 **1:10:** Hip 5:14, Fil 1:6, 2:16, 1Tes 5:23

1:11: Jon 15:8 **1:12:** 2Tim 2:9 **1:13:** Wok Me 28:30, Efes 3:1

¹⁵ Nīpərhiēnien nepwīn kamhəni irapw Kristo ti nəri nə mə irəha kamhəmwəki iou nənə mhokeikei mə irəha tuhasori ia nirak. Mətə nepwīn kamhəni irapw Kristo ia nətəriɡien amasan.

¹⁶ Nərmama me i nətəriɡien səvənraha ramasan irəha kamhəni irapw Kristo ti nəri nə mə hokeikei iou, nənə mhəukurən mə kinəmri iou iakamarə ia kalapus mə takərer irapw ti nəɡkiariien amasan səvəi Kristo mə ro nīpərhiēnien i.

¹⁷ Mətə nepwīn səməme kamhəmwəki iou həpkini irapw mhə Kristo ia rerinraha pərhiēn. Irəha kamho iamīnhi irə mamhokeikei mə tuhəuvehi utə atukw a irəha, nənə rerinraha ramrhi mə tuho nərəhaien miou nəpīn iakamarə ia kalapus.

¹⁸ Mətə nəri auər a mə kamho ia noien atukwatukw uə rekəm, mətə kamhəni irapw Kristo nənə ro iamīnhi irə iou rerik ramagien.

Pərhiēn, nənə takagien mwi

¹⁹ ti nəri nə mə iakukurən amasan mə nəri i tro Kumwesən ruvehimīru iou ia nəfwakiien me səkimiaha mīne nasituien səvəi Nənimwīn səvəi Iesu Kristo.

²⁰ Iou iakukurən amasan, maməmri pen əknekīn nətəriɡien səiou ia Kumwesən, mə in trəpwəh nəseniien iou iako nari riti takauris tukwe. Iakokeikei mə ia nəpīn me takətigase rəmwhen iakamo təkwtəkwuni, nənə nəri auər a mə tukini mə takimīru uə takemhə, mətə noien sə iakamo ia nīpwrak truvehi utə nəɡhi Kristo.

²¹ Trīni mīnuə iakimīru, nīmīruien səiou in səvəi Kristo. Nənə trīni mīnuə iakemhə, ramasan pīk anan mwi.

22 Trīni minuə iakəpwəh nemhəien, iakukurən noien wok me nepwīn sə trukua kwənkwan. Mətə iakreirei mə sə pəku nəha iakokeikei.

23 Təkwtəkwuni nəha nətərigien səiou ro kəru. Iakokeikei pik mə takemhə, məpwəh nīpwrak, nənə marə kīmrāu Kristo. Iakregi mə sə nəha ramasan pik məpi raka.

24 Mətə iakətoni mə narimnari me nepwīn nəha takaməkeikei mo masitu ia kīmiaha, ro pen iakukurən amasan mə tapkəmhə mhə.

25 Tī nəri nə mə iakukurən mə nəri i ro nīpərhienien, nənə iakukurən mə takamīru a marīpīn mamarə kītaha m kīmiaha pam, nənə mamasitu ia kīmiaha mə tihəuverə mwi, nənə rerīmiaha tragien mwi ia nahatətəien səkitaha.

26 Ro iamīnhi irə kīmiaha tihəukurən nəgnəgini pikien mwi Iesu Kristo tukw iou, tī nəri nə mə takuvehe mwi tukumiaha.

27 Mətə nəri kuatia i mə pwəh narəien səkīmiaha hiamarə irə ratukwatukw amasan mesi pen nəgkiariien amasan səvəi Kristo. Nənə nəri auər a mə takuvehe mətoni kīmiaha uə takəpwəh nuveheien, mətə pwəh iakregi mə hiamərer əknekīn ia Nənīmwiin kuatia, nətərigien səkīmiaha kuatia, hiamousari pəri mə tihasitu ia nərmama mə tuhahatətə ia nəgkiariien amasan,

28 nənə mhəpwəh nehekīrien ia nərmama səməme haməmwəki kīmiaha. Noien nəha tiho ro nīmətīen i irəha tuhətoni mhəukurən mə tukouraha irəha, mətə tukuehimīru kīmiaha, nənə nəri i ruku pen tī Kumwesən.

²⁹ Iakani iam̄nhi irə ti nəri nə mə kinəsəni pehe m̄ kimiaha mə kimiaha nərmama hiaməni n̄pərhiēnien ia Kristo mamho tukwini nari min, mətə kinəsəni pehe mə kimiaha mwi tihəuvehi nəmisəien tukwe.

³⁰ Kimiaha hiamregi nəmisəien sə hianətoni kino miou fwe kupwən, nənə təkwtəkwuni hiamregi mə kamo ihi nəmisəien nəha miou. Rəmwhen mə kitaha samaruagən pəri ia naruagənien riti.

2

Nətərigien səkitaहा traməkeikei məmwhen ia nətərigien səvai Iesu Kristo

¹ Rerimiahā rīskai ia Kristo ti nəri nə mə hiəuvəuvehe mhəno kuatia kimiaha min uə rekəm? Ouəh! Hiamregi ramasan ia nokeikeien səvənhi uə rekəm? Ouəh! Nənimwīn Ikinan ramarə ia kimiaha uə rekəm? Ouəh! Hiamo ramasan m̄ kimiaha me nənə mamhapi tukumiaha me uə rekəm? Ouəh!

² Mə ro iam̄nhi irə iakokeikei mə tiho rerik pwəh ragien mwi. Kimiaha pam tihaməkeikei mhəuvehe mho kuatia ia nətərigien səkimiaha, mho nokeikeien m̄ kimiaha me, mho pəri nari ia nətərigien kuatia rəmwhen mə kimiaha iərmama kuatia.

³ Tihəpwəh noien nari riti ia nətərigien səkimiaha əpa, uə mho mhəuvehi utə kimiaha irə, mətə tiheiwaiu nənə mhətərig ia kimiaha me nepwīn rəpi raka kimiaha atukw.

⁴ Nənə tihassitu ia kímiaha me ti nímíruien me səkímiaha. Rípkamasan mhə mə iərmama riti ramətui amasan ti nímíruien əpa səvənhi.

⁵ Nətərigien səkímiaha traməkeikei məmwhen ia nətərigien səvəi Iesu Kristo:

⁶ Nípərhienien in Kumwesən pərhien,
mətə in rípkəmwur mhə mə trəkwtəmhiriri
əknekín noien nəha sə in mine Kumwesən
krouəmnəmwhen a,

⁷ in rəmri karen nasoriien səvənhi,
muvehi noien səvəi iərmama sə ramo tukwini
nari,
mətui pehe ia típrənə i nípwrən rəmwhen ia
nípwrari nərmama.

⁸ Nənə nəpín kamətə in mə ramarə ia narəien səvəi
iərmama,
in ruvehi irapw atukw in,
mamo nəkwai Kumwesən ia narimnari me
pam meste memhə, nípərhienien remhə ia
nei kamarkuau.

⁹ Ro iamínhi irə Kumwesən ruvehi utə in revən fwe
irənhə anan,
muvei pen nahag min sə rəpi raka pam nahag
me,

¹⁰ mə ia nəghi Iesu narimnari me pam səməme
kamhəmíru ia kwopun me pam ia
neiai, mine típrənə, mine Imwei Nəkur
Həuvamhə,
tuhənimwi nukurhunraha mhəuvei pen
nísiaien min,

2:4: 1Kor 10:24,33 **2:6:** Jon 1:1-2, 17:5 **2:7:** 2Kor 8:9, Jon 1:14
2:8: Rom 8:3, Jon 10:17, Hip 5:8, 12:2 **2:9:** Wok Me 2:33, Efes
1:20-21, Hip 1:3-4 **2:10:** Rom 14:11

11 nənə irəha pam tuhəni irapw mə Iesu Kristo in Iərimənu,
nənə noien nəha truvehi utə nəghi Tata Kumwesən.

Nərmama me səvəi Iesu Kristo kamhəser rəmwhen ia kəməhau me

12 Nərmama keikei me səiou. Nəp̄in iakamarə ihi kitaha m k̄imiaha, hiamo nəkwak ia nəp̄in me. Nənə təkwtəkwni nəha iakamarə isipw̄in tukumi-aha, k̄imiaha tihaməkeikei mhousari mho nəkwak mamhəuvən. Tihəhek̄ir mhətəmn̄imw̄in mamho narimnari me nəha Kumwesən r̄iməuvehim̄iru k̄imiaha tukwe.

13 Iakani iam̄inhi irə ti nəri nə mə in nə Kumwesən fwe ia rer̄imiaha ramo k̄imiaha hiokeikei noien narimnari me kamhesi pen nətərigien amasan səvənhi.

14 Ia narimnari me pam səməme hiamo, tihəpwəh nəgkiari əgkiariien tukwe mhəpwəh nəvisəien m k̄imiaha me tukwe.

15 Ia noien nəha k̄imiaha n̄ipwn̄əti Kumwesən me tihatukwatukw, mhəmher, tukəpwəh nətoniien noien ərəha riti sək̄imiaha nəp̄in hiamarə ia kurkwai nərmama ikou me səməme kamho noien ərəha. Ia rer̄inraha k̄imiaha hiaməser mhəmwhen ia kəməhau me ia n̄imagouagou,

16 mamhəuvei pen nəgkiariien səvəi n̄im̄iruien m̄inraha. K̄imiaha tiho iam̄inhi irə mə nəp̄in sə Kristo truvehe irə iou rer̄ik tragien tukumi-aha, nənə iakukurən mə iapkaiu auər a mhə uə iapk̄isese auər a mhə.

¹⁷ Nahatətəien səkimiaha rəmwhen ia nari riti hiaməuvei pen m Kumwesən kauvani ia təkure nifatə. Trini minuə kousi əpune iou nitek raiu rəmwhen ia waen kətəgi irapw ia nəri nəha, mətə iou iakokeikei a mamagien kitaha m kimiaha.

¹⁸ Nənə ia noien kuatia kimiaha tihaməkeikei mhokeikei a mamhagien kitaha miou.

Timoti mine Epafrotaetas

¹⁹ Trini minuə Iesu Iərimənu səkitaha rəseni, iakokeikei mə trīpko mhə tui iakərhi pehe Timoti ruvehe mətoni kimiaha mə nəpīn in rirərig muvehe məvisau pehe kimiaha miou, nənə iou mwi rerik tragien.

²⁰ Iərmama riti mwi riwən ia kwopun i nətərigien səvənhi rəmwhen ia səvəi Timoti, in rerin ramrhi pik kimiaha.

²¹ Nərmama əpə me kamhətərig a ia wok me səvənraha, mhəpwəh nətərigien ia wok səvəi Iesu Kristo.

²² Mətə Timoti noien səvənhi ramasan pik. Kimiaha hiəuvəukurən raka mə in ramasitu ia nirak ia wok səvəi nəgkiariien amasan səvəi Kristo rəmwhen iəkunouihī ramo wok irau tata səvənhi.

²³ Ro iamīnhi irə rerik ramrhi mə nəpīn iakukurən mə nari riti tro iou, iakərhi pehe in ruvehe mətoni kimiaha.

²⁴ Nənə iakətīgite ia Iərimənu səkitaha mə trīpko mhə tui iou mwi iakuvehe mətoni kimiaha.

²⁵ Mətə rerik ramrhi mə takaməkeikei mərhi pehe Epafrotaetas rirərig muvehe mətoni kimiaha. In piak sə kimrau min iarauo pəri wok nənə rauaruagən pəri. Fwe kupwən hiənərhi pehe

2:17: Rom 15:16, 2Tim 4:6

2:18: Fil 3:1, 4:4

2:21: 2Tim 4:10

2:25: Fil 4:18

in ruvehe muvei pehe narimnari me nepwɪn masitu ia nirak irə ia nəghimiahā.

²⁶ In rokeikei pik mə trətoni pam kimiahā. In ramregi rərəhā anan ti nəri nə mə hiəregi mə in ramemhə.

²⁷ Pərhien nemhəien riti riməuvehi ipaka remhə, mətə Kumwesən rapi in mapi mwi iou nənə momasan in ia nemhəien səvənhi. Mətə trini minuə rimamhə pərhien iou takregi rərəhā pik anan mwi.

²⁸ Ro iamɪnhi irə iakokeikei pik mə takərhi pehe in nəpɪn hiətoni rerimiahā tragien mwi, nənə iou mwi nətəriɡien sə iakamregi rərəhā irə tukumiahā truvehe miwən.

²⁹ Ro iamɪnhi irə nəpɪn in truvehe tukumiahā, kimiahā tihaməkeikei mhəsevər ia rerimiahā tukwe ia nəghi lərimənu səkitaha mhagien asori. Nənə tihəuvei pen nisaien m nərmama sə ro me iamɪnha irə,

³⁰ ti nəri nə mə ipaka in remhə ti wok səvəi Kristo. In ripkhekɪr mhə ti nɪmɪruien səvənhi ia nəpɪn skai me mə trasitu ia nirak nəpɪn suatuk səkimiahā riwən ti nasituien.

3

Kitaha saməfiəutə kitaha ti Iesu Kristo əpa

¹ Piak me, iakuə takəɡkiari ia nari riti mwi. Kimiahā tihaməkeikei mhagien ti lərimənu səkitaha. Iou iakuvəni raka nəɡkiariien me i tukumiahā fwe kupwən, nənə təkwtəkwuni iakamrai pen mwi ia nəkukuə i. Ripkiskai mhə

tukw iou ti noien ti nəri nə mə iakukurən mə trasitu ia kimiaha.

² Kimiaha tihaməkeikei mhəsiari ti nərmama me nəha irəha həmwəhen ia kuri me. Tihaməkeikei mhəsiari ti nirəha ti nəri nə mə noien səvənraha rərəha. Irəha kamhəni mə tukaməkeikei kuvehi ninhum m nərmama ti nahatən penien mə irəha nərmama me səvəi Kumwesən.^a

³ Mətə kitaha i nərmama pərhiən me səvəi Kumwesən səməme Nənimwīn səvənhi ramarə ia reritaha mamō kitaha saməfwaki ia nīpərhiēnien. Kitaha saməfiutə kitaha ti Iesu Kristo əpa, səpwəh nətigite ananien ia noien me kino ia nīpwrataha iruə.

⁴ Nīpərhiēnien iou iakukurən nəfiutəien iou ti narimnari me iamīnha irə.

Trīni mīnuə iərmama riti nəha rerīn ramrhi mə in rukurən nəfiutəien in ti nīpwran, iou iakukurən nəfiutəien iou məpi raka.

⁵ Kaha me səiou irəha nəkur Isrel atukwatukw, nənə iakiməuku pen ia kwənəkwas səvəi Penjamin. Nəpīn iakinətui muvehi nəpīn eit, nənə kuvehi ninhum miou. Trīni mīnuə kani nəkur Isrel atukwatukw me, kwa iou riti ia nirəha. Kupwən iou Farisi riti, nənə iakamesi pen amasan Loa səvəi Moses.

⁶ Iakinokeikei pīk nəfwakiēn səvənraha mamometə nakalasia me səvəi Iesu Kristo. Ia nīkaren səvəi natukwatukwien nəha kauvehi

3:2: Sam 22:16,20, Rev 22:15 **a 3:2:** Nərmama nepwīn nəha irəha kamhəuvehi ninhum m nərmama rīpko mhə irəha nəkur Isrel mə trahatən pen mə irəha nərmama me səvəi Kumwesən. Mətə aposol me həni me rekəm, nahatətəien ia Iesu Kristo in suatuk ro ik ikuvehe iərmama səvəi Kumwesən. **3:3:** Rom 2:29 **3:4:** 2Kor 11:18,21 **3:5:** Luk 1:59, Rom 11:1, 2Kor 11:22, Wok Me 23:6
3:6: Wok Me 8:3

raku pen ti Loa sɔvɛi Moses kɪpkətə mhə noien ərəha riti səiou.

⁷ Mətə narimnari me pam nəha sɛmɛme iakinamətɪgite ia nirəha fwe kupwən nənə rerik rirhi mə hamasan pik anan, mətə təkwtəkwwuni nəha iakətoni mə ho a nəri auər a me ia nirəha ti nəri nə mə iakukurən narimnari me Kristo rino.

⁸ Mətə rɪpkə mhə sampam ia kwopun nəha. Təkwtəkwwuni iakətoni mə narimnari me pam ho a nəri auər a ia nirəha ti nəri nə mə iakətoni nari riti sə in ramasan pik anan in i mə iakukurən Iesu Kristo Iərimənu səiou. Iakinəpwəh narimnari me pam nəha ti Iesu. Iakətoni narimnari me pam nəha həmwhen ia nəri pein. Iakinaraka ia nirəha mə iou iakukurən nuvehien Kristo,

⁹ nənə tukətoni iou mə iou iərmama riti sə iakiməuvehe mo kuatia kɪmrau min, iapkatukwatukw mhə ia nəmri Kumwesən ia nɪskaiien atukw səiou ia noien sɔvɛi nesi penien Loa, mətə iakatukwatukw ia nənimen ti nəri nə mə iakamahatətə ia Kristo. Nərmama sɛmɛme kamhahatətə iamɪnhi Kumwesən ramo irəha həuvehe mhatukwatukw ia nənimen.

¹⁰ Iakokeikei mə takukurən amasan mwi Kristo mine nɪskaiien sə rino in rətui mwi ia nemhəien sɔvənhi. Nənə iakokeikei mə nəmisəien me sɔvɛi Kristo tuko mwi ia nirak pwəh iakuvehe məmwhen irə ia nemhəien sɔvənhi

¹¹ mesi pen suatuk nəha meste Kumwesən tro mwi iou iakətui ia nemhəien.

Naiuien sɔvɛi Pol

¹² Iou iapkini mhə mə iakineste raka noien nəha, uə iakinatukwatukw raka, rekəm. Mətə ti nəri nə mə Iesu Kristo ro iou iakuvehe mo iou iərmama səvənhi, iakamousari mə tako noien səvənhi ruvehe noien səiou.

¹³ Piak me, tukwe iou, ia nətəien səiou, iapkuvehi raka mhə narimnari me nəha. Mətə nəri kuatia i iakamo. Iakamenouenou ia narimnari me ia təkutak, iakaməmwur pək mauvehi niseseien ti nəri sə raməmak kupwən ia nirak.

¹⁴ Iakamaiu pen atukwatukw ti kwopun tako sampam ia naiuien səiou ikin mə takuvehi nəri amasan riti tukuvei pehe miou. Nəri amasan nəha in i nimiruien rerin sə Kumwesən rinəkwein kitaha tukwe mə tsəuvən fwe irənhə mhəuvehi ruku pen ti Iesu Kristo.

¹⁵ Nənə kitaha pam nərmama səməme səuvəskai raka ia nimiruien səkitaha tsaməkeikei mhəuvehi nətərigien me nəha. Mətə trini minuə kimiaha nepwin nətərigien səkimiaha ropə, Kumwesən tro pui pehe nəri nəha m kimiaha hiətoni.

¹⁶ Mətə nəri kuatia i mə pwəh səkwətəmhiri əknekin nəfe səuvəuvehi raka mhəpwəh narakaien irə.

¹⁷ Piak me, kimiaha tihəuvehe mho kuatia mhəsi pen təmwki nisuk sə iakino raka hiətoni, nənə mhətoni amasan səməme kamhesi pen təmwki nisumaha.

¹⁸ Iakuvəni pehe raka nəgkiariien i tukumiaha nəpin rīpik, nənə təkwətəkwuni iakani pehe mwi nise nənimek ramaiu. Nərmama həpik nəha

irəha həpwəh nokeikeien mə tuhəregi kaməvisau nemhəien səvəi Kristo ia nei kamarkuau.

¹⁹ Ia nəp̄in sampam tukouraha irəha. Kumwesən səvənraha in nə tipw̄inraha. Irəha kamhəfiətə irəha ti noien me sə ro a nauris̄ien. Nətərigien səvənraha ramevən a ti narimnari me ia təkure tiprənə i.

²⁰ Mətə kitaha nərmama imwətaha fwe ia neiai. Kitaha sameitenhi iərmama riti truku pen ik̄in muvehim̄iru kitaha. Iərmama nəha in i Iesu Kristo Iərimənu səkitaha.

²¹ In truvsini n̄ipwrataha i sə rəpou, mo rəmwhen ia n̄ipwr̄an sə riskai mamser. In tro iam̄inhi irə ia n̄iskaiien səvənhi sə in ramo narimnari me pam irə səvəi tiprənə i kamhəsiai in mamho nəkwan.

4

¹ Ro pen piak keikei me kimiaha tihaməkeikei mhərer əknek̄in iam̄inhi irə ia Iərimənu səkitaha. Kimiaha nərmama keikei me səiou iakamokeikei pik mə takətoni kimiaha. Hiamo rerik ramagien. Iakamregi ramasan tukumiaha rəmwhen ia iərmama sə kəfəfau pen kəfəfau səvəi nisaiien irə.

Pol raməvəhag m nəkur Filipae

² Iuotia m̄ine Sintike, iakaməgkiari vivi m kimirau mə tirouəmwur mə nətərigien səkimirau truvehe mo kuation ti nəri nə mə kimirau pəri irouahatətə ia Iərimənu səkitaha.

³ Iakamæres ik mwi, iærmama sə ikino pəri wok krau mik,^a tikasitu ia præn mi i, ti næri nə mə iakino pik wok kimrahar minrau, krinouasitu ia nirak rouni irapw nəgkiariien amasan səvəi Kristo kimaha Klemen mine piak me nepwin mwi səməme hənāsitu ia wok, nəghinraha fwe ia nəkukuə səvəi nimiruien.

⁴ Tihagien ia nəpin me ti Iərimənu səkītaha. Iakini mwi mə tihagien.

⁵ Pwəh nərmama hətoni noien səkimiaha mə ramasan məpou. Tripkō mhə tui Iərimənu səkītaha rirərig pehe mwi.

⁶ Rerimiaha trəpwəh nirhi pikien narimnari me. Nəri auər a mə næri ouhi uə næri asori, mətə narimnari me pam səməme hiokeikei tihəfwaki tukwe. Tihəfwaki mhəres Kumwesən mhəni tanak tukwe in.

⁷ Nənə Kumwesən truvei pehe m kimiaha nəmərinuien sə rasori pik məpi raka nukurəniēn me pam səvəi nərmama. Nəmərinuien nəha trərimənu amasan ia rerimiaha mine nətərigien səkimiaha ti næri nə mə hiamahatətə ia Iesu Kristo.

⁸ Piak me, nəfe nəghin ro nipərhiēniēn, nəfe nəghin ro nisiaiēn, nəfe nəghin ratukwatukw, nəfe nəghin rəmher, nəfe nəghin kamini mə ramasan musəpə kamokeikei, trini minuə nari riti nəha ikin ratukwatukw mə tukəgnəgini irə, tihətərig ia narimnari me nəha.

4:3: Sam 69:28, Luk 10:20, Rev 20:12 **a 4:3:** Kipkukurən mhə mə sin nəha iærmama nəha Pol raməgkiari irə krinouwok irau min fwe taon nəha Filipae. **4:4:** Fil 3:1 **4:5:** Hip 10:25,37, Jem 5:8-9
4:6: Mat 6:25-34, Kol 4:2 **4:7:** Aes 26:3, Jon 14:27, Kol 3:15 **4:8:** Rom 12:17

⁹ Næfe næghin hiəuvəregi mhətoni iakinahatən kīmiaha irə ia nægkiariien mīne noien səiou kīmiaha tihaməkeikei mho nənə Kumwesən i in nukune nəmərīnuīen tramarə tukumiaha.

Pol rəgnəgini nəkur Filipae ti nasituien səvənrəha

¹⁰ Iərimənu səkitaha ro iou iakamagien pīk ti nəri nə mə fwe tui kwopti hiəpkasitu mhə ia nirak, mətə təkwtəkwuni nəha rerimiaha ramrhi mwi iou. Ripko mhə nīpwrai nægkiariien səiou mə kīmiaha hiənənouenou iou, mətə suatuk riwən mə tihāsitu ia nirak.

¹¹ Iapkinī mhə iamīnhi irə ti nəri nə mə narimnari me səiou riwən, rekəm. Iou iakuvəukurən raka suatuk rerīk ramagien a ia nəpīn me pam nəri auər a mə narəien səiou ramasan uə rərəha.

¹² Iou iakinarə raka ia narəien i narimnari me səiou riwən irə mukurən, nənə mukurən raka mwi narəien i narimnari me səiou rīpīk irə məpi raka iou. Næfe narəien iakamarə irə, nəri auər a mə nəvegīnien sənək rasori uə rouihi, uə nautə səiou rasori uə rouihi, mətə iakukurən pam raka narəien tukwe mamagien a.

¹³ Ti nəri nə mə Kristo rīməuvei pehe nīskaiien səvənhi miou, nənə iakukurən narəien ia narəien me pam.^b

¹⁴ Mətə kīmiaha hiəno noien amasan nəpīn hiənasitu ia nirak ia nərəhaien sə iakinarə irə.

¹⁵ Nīpərhiēnien, kīmiaha nəkur Filipae hiəuvəukurən raka mə nəpīn hiənamregi vi a nægkiariien amasan səvəi Kristo, nəpīn iakiməier ia profens Masetonia, kīmiaha əpa hiənasitu ia

4:9: Rom 16:20, 1Kor 14:33, 1Tes 5:23 **4:11:** 1Tim 6:6 **4:13:** 2Kor 12:10, 2Tim 4:17 **b 4:13:** Uə “Iakukurən noien narimnari me pam.” **4:15:** 2Kor 11:9

nirak ia mane. Nakalasia me nepwɪn ia kwopun riti mwi hɔiwən sə hasitu ia nirak.

¹⁶ Nəpɪn iakamarə ia taon nəha Tesalonaeka rɪpko mhə nəpɪn kuatia a hiamərhi pehe mane miou.

¹⁷ Rɪpko mhə iakamətui mane mə tihəuvei pehe miou, mətə iakokeikei mə nasituien i səkɪmiaha trukə kwənkwan, in nə Kumwesən trəgnəgɪni kɪmiaha tukwe.

¹⁸ Iakɪməuvehi pam narimnari me səməme hiənərhi pehe miou, nənə rəmwhen məpi raka. Nəpɪn Epafrotaetas rɪməuvehi narimnari me muvehe muvei pehe miou, təkwtəkwni nəha narimnari me səiou həuvəpɪk. Narimnari me nəha hiəməuvei pehe miou rəmwhen ia nəri kauvani ia təkure nɪfatə nɪpekɪn rapein amasan kauvei pen m Kumwesən in ruvehi rerɪn ramagien tukwe.

¹⁹ Nənə Kumwesən səiou sə nautə səvənhi rasori, mauvehi nɪskaiien fwe ia neiai, in truvehi pehe m kɪmiaha nəfe nəghɪn riwən tənɪ kɪmiaha tɪ nəri nə mə hiəməuvehe mho kuatia kɪmiaha Iesu Kristo.

²⁰ Pwəh nəgnəgɪniien revən tɪ Kumwesən Tata səkɪtaha ia nuk nuk me. Ouəh, pwəh ro iamɪnhi.

Nəgkiariien sampam

²¹ Tihəni tukwini ramasan səiou revən tɪ nərmama me pam səvəi Iesu Kristo. Piəvtaha me i kɪmaha mɪnraha, irəha mwi həni ramasan tukumiaha.

²² Nərmama me pam səvəi Kumwesən ia kwopun i kəmhəni ramasan tukumiaha, nənə nərmama nepwɪn mwi səməme kəmhəni

n̄p̄arhienien ia Kristo fwe ia nimwə səvəi Kig
Sisa kamhəni ramasan tukumiaha.

²³ Pwəh namasanien səvəi Iərimənu səkitaha
Iesu Kristo tramarə tukumiaha.

Nəkukuə Ikinan
The New Testament in the Nafe (Kwamera) language
of Southeast Tanna, TAFEA Province, Vanuatu
Niutestamen long lanwis Nafe blong Vanuatu.
Le Nouveau Testament dans la langue Nafe de
Vanuatu.

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

PDF generated using Haiola and XeLaTeX on 18 Apr 2025 from source files dated 31 Aug 2023

26b0f540-c192-5878-be67-18ede9ab1416